

451 Troue Here van my lewe

Johann Adolf Schlegel (1721 - 1793)

Duits (16de eeu)
C. Anton (ca. 1640)

1. Trou - e He - re van my le - we God by wie ek vre - de

The first system of the musical score is in G major (one sharp) and 4/4 time. It consists of a treble and bass staff joined by a brace. The melody is in the treble staff, and the bass staff provides a simple harmonic accompaniment. The lyrics are written below the notes.

vind; Va - der wat my skuld ver - ge - we, dank - baar leef ek as u

The second system continues the melody and accompaniment. The lyrics are written below the notes.

kind. Vrees vir straf laat my nie wei - fel, want u lief - de laat geen

The third system continues the melody and accompaniment. The lyrics are written below the notes.

twy - fel, en ek weet in son - de - smart. U is troos - ter van my hart.

The fourth system concludes the piece. The lyrics are written below the notes.

8.7.8.7.8.8.7.7.

Alle Menschen müssen sterben

U, die kenner van ons harte, ken ook my en weet alleen,
hoe ek in berou en smarte my onheiligheid beween.
Ja, U ken my hart se wonde, ken die leed om al my sonde,
maar ek kom in Jesus Naam om sy bloed neem U my aan.

Deur u Seun skenk U genade, deur geloof neem ek Hom aan;
daarom vrees ek nie die kwade, omdat Jesus met my gaan.
Alhoewel in skuld gebore, was ek in Hom uitverkore,
voor u woord in skeppingsmag skeiding roep oor dag en nag.

Wie vrees nog die bose magte as ons uitverkore is?
Want in donker onheilsmagte weet ons wie ons Vryspraak is.
Nee, geen hel kan ons laat vrees nie, en geen straf ons deel meer wees nie;
ons kan in ons Voorspraak roem wie kan ons dan nog verdoem?

Jesus Christus het gesterwe, het verrys, verrys vir my;
het sy vrede my laat erwe deur sy soendood, ook vir my.
Hy wat intree by die Vader, trek my deur sy liefde nader;
in ontferming oor my lot staan Hy in my plek voor God.

Ondanks alle aardse laster hoe die hel se magte woed,
groei geloof in my al vaster, God sal my getrou behoed.
Niks wat ek op aarde ly nie, kan my van sy liefde skei nie.
Ek sal juig in pyn en vrees, in my Heer oorwinnaar wees.

Ruwe storme breek in woede, alles om my heen is nag;
tog hou God my in sy hoede hou vir my heil die wag.
Kon ek soms sy hulp nie sien nie, ook sy liefde nooit verdien nie,
het sy Gees my steeds gelei, staan Hy my in alles by.

Wat my tref in dood of lewe; watter teenspoed my ook wag,
Jesus sal my nooit begewe is ek swak, by Hom is krag.
Ook die Satan het sy perke in die Heer se almagswerke;
hoogte, diepte, vreugde of rou niks ontruk my aan Gods trou!